

勉
行
堂
詩
集

勉行堂詩集卷十八

古歛 程晉芳 魚門

照檻集

起丙戌六月
盡十二月

六月十三日移寓寒葭潭屋之東偏有竹有石有小亭
出其間正東向朝日夕月光可攬也因取楚辭照檻二
字顏亭之端遂以編集

移居四首

每笑營巢競燕鶯偏難穩便住西城地紆一里攜輕具天展三

朝放快晴

積雨兼旬
霽纔三日

揮汗轉憐孱僕健滄波才見濁流清溝池
積潦

停汚稍
爲疏濬

絕饒點石栽花興倘典衣裘料易成

只隔墻腰樹一株耦居恩誼最優殊

少宗伯國山
師同寓三載飛觴稍急乘

公暇曳履方榮念我枯野鶴回頭殘粒在山僧行脚晚雪孤惟

將立雪橫經事閑證東隣萬卷朱

新居距笥河
編修家至近

兩罷禮闈三喪女共徵宅法勸更移廁姑竈媼寧操柄燕兆蛇
祥祇費辭且逐蟻行沿磨轉也隨鵲隊受風吹妻孥曾任華堂
慣每到新居怪狹卑

糊壁新光耀兩眸頻教拚灑燕香篝書囊細檢防零亂酒具親
持待拍浮人向東遷成遠徙屋經重僦鮮長籌苦心豈獨緣珠
桂數數移家也白頭

寄祝家南坡兄八十壽

江波瑟瑟繞江村聞道匡居自課孫几上歷頭開九帙牀間酒
母釀千樽華嚴富貴恒經涉實勝工夫愛討論真是魯靈光比
數科名同輩幾人存

靈獨淵源號大師遠謀碩畫最恢奇國程曾預功能補家運逢

賣力尙支松古不嫌霜隕久桂馨偏稱月來遲
楸枰影靜羅窗午
搯肘看人算劫碁

朱查曾許阿龍超

竹垞他山皆所親炙

正派樅陽與鑄陶

曾受業望溪方子之門盡傳其

學清異選蒐窮百氏太平歌咏閱三朝閑探月窟天心奧兀坐
寒燈細雨宵下筆輒堪垂久久不徒雙鬢老難凋

鴉青雲幕展羅天祝嘏辭煩早夜傳也附庭荆舒帶萼每憑池
草說因緣出群年齒推胡杲驚坐衣冠想葛立謹守谷神期強
飯啓期三樂故能全

題錢方壺先生歲寒圖小影

是何臞而清所尙無近慕孤梅枝連蜷松竹環溪塢共此歲闌
盟嶠然守貞素于時天欲雪慘慘雲結沍僮攜熨手爐鶴引穿
林步相賞在高格眼底蔑凡樹每聆學士言心折契名父勤鈔

師向明熟誦如蠶遇六籍自授兒笑止該四庫卽今拭東絹儼
覩傳神處橫斜峭嶮間風骨軒軒舉恍焉動幽興便欲隨游屨
北地多茂松未易植圓圓竹來伏雨栽瑣碎體姑具梅花最難
活盆盎強枝梧黃金臺下客難寄林逋語何如守江鄉廣藝待
遲暮江鄉也自寒寒轉益奇趣愜性偕本色琴酒得知故澹漠
明冬心洵矣美無度

四十九行年

四十九行年豪情頓減前難辭飲墨汁終愛擁琳編却茗圖宵
睡焚香習古禪生涯過半百自問孰堪傳

秋齋

秋齋延衆賞兀坐當登臨樹老排風健亭虛貯月深屢邊繁積
翠眼底數歸禽宛爾空山隱堅予向道心

偶成

只道園亭好何知不世情千霄幾株樹夜夜作秋聲

七月廿九日同杉亭前輩沈樓翁河均弼崧山耳山陶然

亭小集分得背字

鄙性耽野情不樂處闌闌孤亭最昭曠月輒來一再況乘秋氣

清壺榼喚儕輩車穿荻花過人立槐陰待師席訝左虛時露仲

酒盞愧先啐七人中余年最長亭虞疥癬侵余方未覺嘯歌廢游目烟

水涯縱嚼膾炙內醒狂良復佳矧乃蒙醉態驚座語出奇測天

理無礙時與翁河杉亭微波生沼曲落日隱山背申辭明後約

游興發重嘯絮絮話未休拍臂呼共載

題饒霽巖太史秋山策蹇圖卽送南歸

山容瘦削瞿曇臞一枝泉瀉雙澗瀟疏花小草澹可悽宛然身

入行旅圖江臯艇子飛若鳬舍舟循陸奚爲乎壺公巖壑仙所
都南豐一瓣分境隅十峰百谷相抱扶君家近此安甕樞幾年
作宦林園蕪忽興歸思馳朝晡請急勿復停須臾作誓墓文依
古模隨侍宜肩隨清娛維時天秋露塗塗蹇驢與飼青玉芻尋
山如覓故酒徒猿鳥宿識遙相呼足倚手拂皆松梧雞豚歲晚
勞卒痛泥飲爛醉歆團蒲久住或恐爲飢驅又騎欵段游京衢
仕隱無事判區區此心長住境弗殊聊題此篇供說郛行矣月
白方登艫

題邵蔚田侍講收綸圖

綸清釣鮮獲斯語古所傳意苟不在魚奚有于蔡淵先生步玉
堂宛若棲林泉灑掃有陋室驅駕無華軒心游而筆耕所得惟
簡篇近且侍講幄丹炬明秋蓮倏爾告休去卜築塗松間畫師

貌茲圖妙旨同忘筌一壺直千金似鑒中流船人咸慕夷曠先
生搖手言年衰邁多疾不任趨後先得鮒與得鯉是則有命焉
爲樗且爲櫟不材期自全我聞前致詞卽此寧非賢涉世貴知
止驥絀殊鴻鶩昔鈞本自直今網何妨懸袖手坐澄溪波濤雪
娟娟漁父信可狎月潭亦可沿迢迢望蒼葭渴思誰余獨

同沈樓雪椒晚過法源寺漫成二首兼呈天月長老

時長老甫

退院

遠塵曾不浣苔斑秋到毗耶最解顏孤磬自鳴雙樹靜三人同
趁一燈閑花農指菊論分本野衲燒茶說閉關引我江鄉烟水
思蓼畦紅似占汀灣

一袈裟地穩栖禪也似儒宗老可傳調語華文驅別派苦瓜寒

竹蔕東偏

時移禪室在方丈之東

齋惟特粥過辰已

見鉢

偶已垂書志月

年曾向雲堂支榻久叩公何日解塵緣

余與沈樓先後寓茲寺最久

九月廿四日查丈儉堂招集寓齋賞菊分體得九言

丈丈昔住城東境僻遠不緣好客何事移西南補籬除架張拓
貯書庫位置畧定遽已呼朋簪菊花開遲宛似與人待五枝十
枝叢雜圍幽龕席間裙屐幾盡京國美顧余瑣瑣亦廁末座談
紅燈作暈靜爲花寫影碧螺競吸暗覺香傳掩藏鉤射覆底用
角小令脫帽露頂已自催長酣清闕閣中群物聚所好月泉社
裏故事爭遐探琳腴一片摩拂發光怪特同觀謝疊山
橋亭卜卦現畫圖一
幅添補成溪嵐堂上古畫爲
衆名手集成胸中眼中師法盡奇瑋毫端舌端
論說爭詁誦漏沈鼓促須待下弦月殺空爽盡尙孽平帶柑今
年賞菊已過九月九去年咏藤頗憶三月三度腔敲韻老手出
新句簾波蕩綠醉髮吹鬢髮芳時暖節去若弓釋筈兩見霜清

潦水澄寒潭得閑且效捉卧蠶人格有錢但買出色花盈擔安
能敵人開戶肖處子一任溫風吹老飼葉蠶告公袁峻更具寫
書癖著錄善本倘許來窺參

謝疊山橋亭卜卦硯歌有序

謝文節建陽橋亭卜卦硯析津儉堂查丈弄藏同邑周
上舍焯月東所遺也周珍惜此甚眠食與俱查每過周
輒索玩竟曰周曰子愛之耶吾身後贈子矣越數年周
遘疾抱硯以死其子奉遺命攜達粵西以歸查查至今
言之猶泣然也硯長一尺一寸博六寸厚一寸六分背
有程文海銘舉夷齊爲况又有閩趙元題云永樂丙申
洪水去橋亭易爲先生祠元出處無考豈宋之苗裔耶
乾隆三十一年丙戌九月二十四日同秀水錢官詹載

等觀於宣南坊之澹安居

周生月東抱硯死所寶匪硯惟其人其人維何謝文節橋亭抗
跡希逸民聶政全身有母在君平學易甘沈晦天心厭宋龜筮
違猶對凡人說貞悔毋言此硯藏卜肆盡篋隨行關大計曾草
餘千上饒檄曾書瑕呂飴甥字玉光亭外兵氣微鵝湖山前空
落暉芒鞋何日踏雲谷蟾蜍滴淚相因依首陽高義存禪窟舊
物流傳徧燕越元鼎遷移迫有明幾經名手鑱年月雪樓題此
想低顏我心易轉先生難天水王孫記祠事字字如聞拊石歎
海潮不到錢塘岸洪濤無端齧橋畔百年水局總滄桑又酌寒
泉奉靈觀柘坡吟句工言語秀水萬循初孝廉會作長歌柘坡其別號也查丈求旃
月東許萬里孤兒捧硯行故人海外教傳與周生周生古性情
延陵贈死今贈生豈惟臣節兼友誼硯於人紀司權衡榕巢翠

墨分餘綯雜記應如碧湖繕春明小築秘藏多先歸書堂置一
硯測量庫厚寫銘辭凭几摩挲重感咨寧知一片溪源髓壓倒
娥江幼婦碑

十月十一日趙甌北前輩招集寓齋次韻二首

隱几噓天羨子綦清言每悔到來遲種松經歲恒招客搏黍迎
年又改時荆楚歲時記是日以引古未妨爭執說賞奇須示近
編詩名山事業歸吾黨誰道匡居好勿爲

木落霜清度浹旬知君多感對蕭晨疏狂易縱騰湖口刻苦仍
餘肖鶴身往復煮茶論酒會兩三無事愛閑人消寒底用拘常
格乘興相過勿計巡

送鄭誠齋太史南歸

零景集元冬離思興暮節故人夏將歸及此乃言別官書有程

期館職虞失闕已成舟不繫復作驥蒙繼久留知故欣寢耗囊
橐竭豈有二頃田輒慕五湖濶古人守茲身謂巧勿勝拙山寒
花自秀溪冷魚亦活由來太清質不假浣冰雪與君昔投紵淮
水帶林樾吾家晚甘兄素卷映元髮相顧各少年相期追襲哲
君庭樹桃李材士搜楚粵余攜長襖汲歲晚蓬樞閉年華瑟柱
徧鬢影星光徹

王戊識先生于淮
今二十五年矣

春明近來往肝膽數披閱才

周事顛末言罄心曲折趨陪門生後奚啻邪莒列

余兩會試蒙
薦一為露仲

王公一為雨齋阿顧為畧分交筆陳開鬱律連篇申去意菹韭

慚薄設荒亭未掃塵凋樹不障月此情何可道此酒宜深啜眼

中三塔紅小市登薺蕨竹隣竹可問梅里梅爭發故鄉誠苦貧

視此孰優劣抵淮訪二阮白帽重鳴咽

先生出吾淮樂園太史
之門太史沒將二載雨

嗣君皆守
制里中

為言余老蒼歸志久逾切晚甘今宿草忍淚應一醖

得暇書可著編詩稿宜脫如君所藏蓄定自不磨滅終當從之
遊經疏與研說鄉居無他箴高卧亟捫舌

十月廿七日同集沈樓寓齋食菊花餅作

官衢滯往來馬殆車躑躅

時方修溝

偶茲赴招攜衣拂塵皎皎褰簾

主有欣索坐客不速

時令妻弟陳孝廉來逆九人同一席

嘗珍俄出新初未審名

目厥形類粉資所糝乃芳菊其法本榆葉相雜陳杏粥何從得

斯製昔未窺譜錄憶昨過秋齋花色繞寒屋開猶判早晚種亦

辨吳蜀賞餘落其英寧待風日曝京華冠三輔饗子技精熟尙

煩口傳授調飴漉麥麴春綿裹柔薄細雪與澆沃擣宜糅椒馨

卷詎籍蔥縮黃者壓碎金白者屑群玉縷辨識露瀼臺心去烟

簇明燈照盤盂霜影淨可掬老饕恣飽啖信鄙嗤食肉圓隨箸

轉移熱費手翻覆澹泊舌端知芬馥鼻觀觸是皆吾臭味奚假

供佩服當筵起三歎于食果何福蘭煎桂自焚此亦有同局寄
人短籬下何似在空谷客瞋毋迂談花定哂卑俗凡物貴人用
乃弗慚碌碌陳根得異品況果吾輩腹公羊義可研孺子跡難
續倚狂盍諏諧起舞遂更僕旋開大盆盎拇陳爭角逐窮臘轉
眼近高興擺拘束細細嚼冰梅聊輟楚騷讀

好事近

爲人題漁航小影

家住小蜻蛉漁婦漁童清絕閑趁翠波來往醉柳陰殘月
一枝湘笛寫孤清梅影澹於雪枕上道書讀倦聽乳鶯調舌
十一月四日同君弼司直漁邨前輩章蔡兩文學集筇河
太史椒花書屋分體得五言

良會匪豫測偶訪高齋過籤臚鬱古馨隱几方微哦殘菊澹屏
影書味潛相和適會馮君來執手一笑呵主人戒勿去開甕傾

紅螺更招二三賢皆所恒蒐羅

魚邨前輩及章蔡兩君皆筭河及門

先輩述先世

鍾山廟裁我章生有書癖故紙環行窩蔡子實英英劒鋒截螭
鼈飲作虹吸井談如水增波千古重交遊問學匡其頗招弓有
嚴畏鋤金滋譴訶所取乃至約于得良已多覩茲歲光闌顛風
撼危柯崢嶸冰雪腸慄慄相磨礱後此四三年離合知如何行
藏倘異致趨向毋誤訛有客製小序莊論除婣姻謂均寒燈照
破壁駛筆疑騰梭太史實繼作樹義懸秋河往復勢紆曲峯迴
見坡坵脫幘余發狂髮禿公然婆長謠志茲盛用以當鐫削

鼠齧詩爲王蓬心前輩作歌

蓬心先生作詩兼作畫詩藏篋笥畫斥賣得錢貰酒博酣眠厨
籠空空鮮遺婢可憐鼠飢類臣朔曉夜跳跟穴墻角潛身入笥
飽饕詩拄肚撐腸字班駁先生暇日展篋看碎比蠹蝕尤叢殘

三年爬索得百首寧知供汝一夕餐急思追憶揮長紙十失八九費摩擬爾鼠胡爲不遄死我笑伊無肉食鄙先生之怒良可已梁上欣聞長者論小黠居然能學問安知癖嗜非賞心得一知已可無恨雖云覓食諳調停未嘗緣几窺丹青倚爲活計詩則否顧子厚意殊惺惺巷中風味定酸苦咀之攢眉齒應齟可怪生吞意無忤他日祭詩惟祭鼠先生畫筆探真詮後此歌吟皆續編謹藏毋令逞故智猶堪與畫同流傳不見易堂學士餽馬豆吳學士鼎炊爨不繼煮馬豆以食疲驟減料骨逾瘦曹主事家大苦飢謂餽亭前東西隣趁遭鞭笞天遣子窮相暴街異事流聞誇僅見繁華熟誦帝京篇冷落誰修貧士傳

題王蘭泉前輩蒲褐菴圖

耽耽讀書堂落落逃禪室自記自裁詩圖繪煩妙筆居然擅三

絕邈爾全太質知君杜德機隨境鮮拘室舊家青浦間白屋映
楓櫺研誦誠苦心食苦如食蜜自入承明廬卜宅取幽謐西城
最西處老樹匝蓬草苔墻故衣圻竹砌新梢出風景稱蕭閒急
購勿教失遂橫琴軫檟遂布几髹漆局脚牀連連凹心硯一一
休假坐其中谷神虛不溢蒲圓敞滿月褐暖曝初日譬如重瓊
覆三覺味諳悉見林間錄以此喻家園主客奚待詰矧且異頑空游
藝工撰述文章儼元八聲韻越秦七微吟笏拄頰冥想手扶膝
洵濬在靈源眇弗繫恒律卽看墨痕滢翠葉掩丹帙客來敝荆
扉酒至嘗蓂秭歲事倏晏闌披卷觸興逸便思入畫中著我拄
卽栗看雪坐南窗欸語對捫蝨

題趙甌北前輩甌北雲松小影

晴沙抱洲尾繡葉明籬角野色稱邨居稻熟棗初剝天然入圖

畫澹弗假雕琢掃石坐中間擁書同抱璞且飲且晏眠亦撰亦
潛學清虛日日來體瘦神嶽嶽溪南鷗引隊竈北花圍幄停雲
甫飄蕩倏爾去綿邈菜霜青可割松露翠疑濯何從得斯境或
恐費商摧人間世流閤有觸斯大覺歸田蓄茲志丹繪偶從朔
豈遂能荷鋤獨醒掃群濁聊從粉本看所願誠卓犖如聞蛙鼓
吹儼奏鳥音樂白蓬船可泛紫玉笛堪擗恒持無住心隨地有
含握還君圖起嘆余亦思種藥

送趙甌北前輩之任鎮安

消寒會未展初九君去粵西爲郡守煮茶燒筍話匆匆聚散難
知姑飲酒鎮安近事吾差記曾蒞茲邦咸我友稱詩絕代寶意
翁日坐烟林對晴岸儉堂查丈適隣郡儉堂三丈曾知太平府徐子隣哉
相左右隣哉前輩昔爲太平同知傳鼓人求大字書摩崖碑享千金帚詩筒

郵遞今聞寂又得名流繼斯後念君登籍未三十東觀西清
佩玖揮筆能令豐幹葉選辭酷愛除稟白邇來閱世薄浮榮第
欲編摩垂不朽自鈔詩集綴雜文精進心猶窺秘酉天公如閑
嗔愛好特遣紆金印懸肘不然要令狀山川觸眼奇觀煩妙手
扶蘇山接古梅山地軸天關相錯偶鳥飛不到下雷州瀉玉鵝
泉挂魚留萬家老屋縛藤竹四節繁華繞窗牖舉似邕州暨麗
江土風一色無妍醜翠裙花賤聚犒犒釣洞蘿溪交窟藪董之
以正煦用恩苗亦嫉嫉喻仁厚黃茅青草瘴霧深將息宜專慎
毋苟南連交趾控滇蠻修爾戎兵嚴扞禦三年例得遷大郡且
勿懷歸問田畝此行密雪灑貂裘卷地北風隨馬首繪圖休繪
贈行圖使我低徊沈歎久識君面目十七年君謂片長宜可取
零露飄霜數往來草堂蘭杜開尊自拂墻碎墨經我題沿砌小

松非子有

先生於高齋種松十數本今宅歸家辛田少宰懸知獻歲抵江鄉堂上起居

詢阿母南民拍手笑相迎太守由來一詩叟政閑覽景定懷人

京國朋儕餘某某梅花驛使附數行故人眠食平安否書來萬里余最珍記取臨歧歌折柳

長至後六日雪霽籜石官詹招同儉堂太守心齋侍御辛

楣學士秋帆侍讀竹虛太史集寓齋分得六字

癡雲散若烟霽色冠可掬歲晚愛招尋況有酒儲斛坳堂不盈

丈古意紛簇簇印槽列圓方錢範暈朱綠秋寺幢寫榻海嶠碑

然綠遂燕鵲尾鑪小飲近書簾主豪方吸川客飽但捫腹須臾

公暨考分體見梅竹化工玉與吳

元韋梅仲圭竹

茲事擅也獨牆畔影

斜斜窗間新綠透香然亦香色眼淨鼻微觸簾端耿餘雪透幙

相照燭生可鑒圓窗十得五六似此二妙稀毋入巧偷目咀

嘗戀苦茗街鼓俄迫促後約夫何難難得此縹軸

景泰發藍唾壺歌

發藍製本拂菻國字隨音轉恒譌乖景泰仿造特精麗昨偶把

玩從西街圓儀仰俯利開闔黝光自瑩非摩揩洪爐鼓鑄僅七

載漸忘邊警耽淫哇有如金花牀上坐雞犀翠羽當前排

拂菻雞犀孔翠其王坐衛侯設定避餘穢魏皇吐亦生芳荻竊黃小

金花牀見舊唐書白加塗飾湧現蒼巖古苔色海南事事尊法輪描畫紅蓮繞香

國從知如意難敲破緣以胎銅堅不悞雲雷四面隱文章珠玉

九天承咳唾寡兄此際閉南城捉髮初無叔武迎鍍梁繡袋讒

方構牙盒金錢賞未行鎔鐵鍵門同範器石徐唾手圖功易示

喜徒傳進粥復辟錄英宗臨朝謂群臣曰弟昨日食粥無恙灌神不改揚瑤觥英宗實錄

天順元年禮部奏祀天地社稷舊用瓷當時傭匠廁卿貳此技

景泰間易以玉應否裁改詔仍之

知經誰放藝錢唐司馬善匡扶寒噉何曾忠武異翠汁簞管授
秘方詎聞御物同頒賜吳言宰相工細睡謔語閤人示十字多
年陵塚上牛羊流沫無人誦碑記蘇勃泥青巧刮磨區區鑑賞
類宣和宮人豈少靈芸淚但灑秋池化碧波

儉堂查丈貺寶坻銀魚詩以報謝

故人昨餉膾殘魚箸裏銀光照素書冰柱作行登七箸雪痕隨
分點芹菹波心料得清堪數酒畔嘗來飽有餘引起江南水邨
興凍雲如墨網痕疏

招均彌笥河小飲

炙硯旋冰爐易燼連朝始是十分寒顛風繞屋作雷吼碎月浸
堦疑雪殘呵手仍煩長袖護褰帷時取故書看韭芽細煮松醪
熟可少同心話歲闌

寄答錢樹參同年用昌黎贈崔立之評事韻

余也塵根鈍不敏矧逢衰暮才都盡有如狹巷驅短轅敢接通
衢長轂軫故人昨寄一緘詩俊氣凌秋霜色緊陸離耀眼不可
辨碧海掀波掉蛟蜃案頭雜誦翻覆觀欲和先慚喉轉蚓徐徐
刮席自姍笑難免當場博群哂清裁躍躍衛洗馬子肯聲華動
卿尹倚聲讀盡見風流骨幹蒼臞異酸窘棘園小試豈繫難強
弩偏教遇堅盾浮名所繫知幾何剩欲抽刀斷羶絢子珠內索
神人涵我玉中藏足非牘獨憐倉卒理歸裝袖拂落花情憫憫
蓉湖潘葑夏木清棹入蓮塘風自引訪僧蕭寺拓碑看細劈茅
柴燒荻笥夜闌斗室禮楞伽參厥初門契元牝江南好夢到京
華願我猶堪當簞籩我從小蹇悟真機百態交乘且安忍讀書
有暇託琴酒撫已無庸觀槿菌春秋似子值鼎盛青幕雲開戾

飛隼來詩自貶翻見許大巧何因羨茫蠹春明門裏歲云徂祀
竈迎年祭先賢相望相憶路三千卽訂前期慮難準唯應涉足
慎修塗忽似標枝逐風隕入世終持出世心境田勿慕腴田畛
閑來著作要等身此外紛紛任夷泯

鄉同年豫章書來言杭遊之樂并寄所書天后廟碑洎芽

茶壘前韻奉謝

吾友豫章書妙斂滄茗談詩意無盡雙魚昨寄附雙珍爰自吳
航達燕軫茶經雨采焙甘香字搨油磴露圓緊錢唐江上水妃
廟靈怪傳聞役龍蜃令弟守邦和子倅嗜古真如魚食蜎祠堂
豈少舊刊碑文字闕冗吁可哂阿兄作文師北宋筆力時時追
柳尹此碑揚頌得大體彈壓波濤洗塵窟一戈一磔生古姿武
庫森森羅戟盾書中侈說西子湖問我何時謝羈紲我雖通籍

謁承明智葉如葉應免服此身猶未著湖山不獨君憐行自憫
所貽鳳團新詩有陳詩已經爲小引寓齋也復肖園林吟對苔
花摩石筍品流夕過下止許位置奚勞左右此非關吾子老歎
巖窮岫才能生楷箇古杭雜錄置巾箱我同西笑情難忍恨不
相從十日游僧房晚飯炊槐菌語君人生不滿百歲月奔馳雲
掠隼雕鏤文字耗心力慧巧何曾勝頑蠢刻舟刻楮等無成曷
若尊生師祝腎無田亦歸恒自矢左券年來業操準終當訪子
惠山西相葉迎霜紅未隕卽今地遠寄相思神契寧論隔疆畛
并煩裁句報春明余亦因之幸不泯

歲暮雜詩十六首

戟耳爐中慢火添柳花磁碗粥膠黏偏於窘境求安適寒序森
森又解嚴

一丸冷月轉牆東
照見林亭面面空
貪看古光簾外立
袖遮雙耳畏尖風

亭子不教窗戶遮
晚來枯坐數棲鴉
冬林葉謝潛含蕊
知是三春稱意花

一色凍雲疑釀雪
滿櫺新賞濁醪傾
天公似惜酒錢費
瘦竹漏光開薄暝

夜寒群動寂無聲
獨擁黃綾睡未成
霜氣撲簷冰作柱
墮敲增砌響鏗鏗

青銅二百笋三顆
味較山中總不如
小市南頭占歲盡
厚唇豐頰鬬鱗魚

祇取妍華不取香
家家梅杏窖花房
未如倩取寫生手
澹暈墨痕塗短牆

經年檢點讀書暇難與忙時強半分可惜者雙箋述手模糊酬
應託詩文

酒人長夜說風詩門戶堅牢競把持聊舉片言供一噓春蘭秋
菊豈同時

金梳擎來鹿尾羹豪家饒歲侈煎烹野人異日無他願爛煮豚
蹄饗弟兄

三月不蒙阿弟書也知進退苦踟躕宵來忽夢牽衣泣祇說相
思不道餘

瀝亭病起書來報漸契禪燈屏藥方想傍蜜梅花底坐澆書細
燕水盤香

隋園老梅百十本恨不凭欄接袂看刪却少年花柳興要同瘦
影角清寒

七十老翁何所事鑑堂此日寄袁江定裁歲晚懷人句油炷昏
昏雪打窗

乾風連連晴雪少隴上麥苗穿土稀殘臘猶餘十五日箋天早
乞玉花飛

大書福字少泥金

明代歲暮書宜春帖子皆中書以大筆蘸泥金納之於袖見內閣小志

消受西

清冷况侵且免攜衾充夜直擁裘閑作打乖吟

送沈樓省覲南歸

適聞情急呀然驚訊答徐徐慨慕生夢裏庭闈關遠念歲闌風
雪且單行久諳作宦輕來去自說承歡鮮弟兄手把雙卮覘色
喜古梅環映月波清

聚散茫茫豈易知暖寒杯換贈行卮東華門畔霜侵袂西子湖
邊柳掃眉洗竹山窗成句後探花僧院憶君時經年小別無窮

感莫道重來慮緩期

勉行堂詩集卷十九

古欽 程晉芳

曰艾集

起丁亥二月
盡十月

次韻望山師納春園偶成

西園煙景澹堪親，點綴工夫絕等倫。
石漸坡陀成峭削，樹從蒼老發鮮新。
詩書盡檢能怡性，風月閑談妙寫真。
想展雲箋布昔席，祇容池鶴伴吟身。

夜錄長籤待漏稀，仰看天闕散星璣。
三千牘未酬今債，五十年將悟昨非。
別墅頻遊雙眼豁，好山難買寸心違。
江南籬舍梅花白，誰討春光戒野騁。

與褚丈鶴侶同直疊前韵二首奉贈

夜設絕勝一編親，樹義森嚴語有倫。
秋士關心憐境寂，春花到

眼闕時新公羊喻餅殊堪味斤鷄搶榆自葆真各有葺荷紉蕙
念補籬何日寄閑身

相次行年鬢髮稀自知燕石抵瓊璣語除臧否工諧謔德喻支
離罕是非小喜詎能妨大隱

時將提
主事

無營未用嘆多違看公歎

段行遊樂肯羨斑輪服兩駢

題陸丈葵霈吳淞歸棹圖

宵夢不偈仄浩蕩觀湖江披襟曉兀坐吹塵風滿窗讀書足慰
意矧乃圖歸艘膠塘一片石千山丈許幢草堂所固有老樹吟
孤腔離心撫鄉景急駛同奔淙昨遊春明春人物觀宗邦子賢
奉鍾粟孫戲圓珠缸書味展箱篋酒滴開筆雙興闌整裝橐文
度心驚懣相招有林麓拓翠排崆峒帆斜檣影直岸蘊潯頭撞
遠志在烟水獨樂不可雙賤子慕葦艦逐逐念未降息機待隨

踵古柳維船檣

輓家南陂兒

衰門無吉事摧折到斯人上壽纔稱祝浮踪已脫塵昨傳雙眼
暗詢我近年貧此意良深厚高墳綠草春

科名登綺歲郎署耿星光武畧森雄戟洪波捍漫塘淵源有游
謝吟咏洎裴王式靡扶顛力松身百丈強

晚年耽靜攝却掃卧江干識定知書隙才高審事難極立詩選
輯寡和曲鳴彈此日孤寒士舉帷涕泗瀾

昔訪白沙居呼孫出拜余結綯今有室凭几舊傳書白業千秋
盛華胥一枕虛他時述顛末銘誌敢辭諸

拂珊副憲招飲時晴軒看藤花漫成一首

旦晚花期訊給孤

給孤寺街東呂宅藤花最有名今年開特遲

那知照眼此紛敷席

間好影垂枝憂意外新吟入畫圖

時讀題畫扇絕句半座嘆服

管領風光推

白傅料量酒醴到麻姑

同飲詩酒絕佳

夜闌更遣燈環映吹面繁香襲

襖襦

山桃始開用東坡坐上賦戴花韵

小桃也作玉珊珊纔及春中破粉妍強項頗容松作伴

相近有小松一本

出頭未讓杏爭先支窗亭午教傳盞夾岸烘晴記放船續續
開猶禁十日不孤寒食雨餘天

丁香花

丁香瑣碎不足名繁艷差宜慰枯槁兩株環列庭左右高及層
簷如樹葆日繞花間怪放遲及至爭開虞謝早瓏玲墜玉薄朝
華細結清愁難淨掃地寒候淺蜂蝶稀一二過牆徐探討晚來
粉色防月奪拂處風枝任尊倒三杯酒力若不勝獨賞情懷終

草草北方此種稍易植翦雍功深開愈好花將謝時須盡翦故
居紫藤應吐莢此是新知露頭腦無何又趁海棠顛自哂狂夫
狂漸老

三月十九日同籀石宮詹儉堂太守秋帆侍講仲思編修
紉蘭司直杉亭厚石耳山三舍人調夫孝廉法源寺看
海棠過耳山寄廬留飲作

香山飲酒九百首東野踏春一百回當時得景貴陶寫有花詎
可虛鐫墨法源海棠吾舊雨慣攜密侶尋芳茲適來探花花迸
蕊坐久日炙爭妍開亭亭冉冉光灼灼力軟正藉微風攬牆陰
一本罕跼萼披紛翠葉清無埃鐘魚唱梵拜衲子轉頭誰復憐
斯材矧持戒律拒羣飲苦茗造次傳藤盃天紅相對鎖索寞吾
友拍臂呼去來寓廬距寺十弓地捐簷絕少大樹栽彼間花態

此良醞眼中宛爾蒸霞堆離之雙美固弗失是一是二頗參猜
惜哉筍河吟屐阻時筍河編修以事未至不然鯨吸推渠魁勝遊火速圖
再舉莫待粉片榮蒼苔

笠屐硯歌

自冬徂春靚兩硯疊山謝暨文山文玉帶生疑是贗製銘語缺
滯異昔聞真者微聞進

大內挾天藻捧玉葉雲于古讀耆貴辨偽以耆例硯吾亦云最
後復靚笠屐硯熊熊光氣陵蒼雲藝齋放誕肖顛米尚友乃慕
東坡君方磳硯子泐其背長髯戴笠穿屐裙商邱絹本小弗類
面腴手曳持青篋當時取意不取貌奚必畫一爲區分正如小
冠着半臂東坡自海外歸昆陵病暑著小冠披半臂坐船上見周輝清波雜志雖無笠屐亦出羣
風神散朗衣氍毹雨邨婦笑犬吠狷舉似主賓圖互卧春葩未

許誇秋蕢廣陳鎮上西日曠濡髮搦筆乘微醺端淳四絕畫居
一賴爾供事隨昏昕紫芝俞生趙同里鐫名想見交沐熏震澤
三橘又藏弄大都流轉南江濱簞林給諫倏收得硯匣小字揮
顏筋撫茲片石寄感慨糊綠寶爰生憂僅于粵之東達京國傳
示不異尊索墳山桃花開風息氛晴窗篆香心字焚試墨細膩
揚芳芬下崑嫡孤雀眼救冷浸水骨從溪注長尺廣半厚濫寸
微凹厥背施重茱家貧吉金鮮一斤把玩自哂徒殷勤還之姑
聽東紫纁畧觀也解百念紛寓意不帶中欣欣誰能購之曰耕
耘與余東井同策勲子所藏城公東井硯搗將北宋誇南宋柴
几橫陳足張軍

法源寺看牡丹晚飲蘭泉前輩寓齋

唐寺依然種牡丹數枝娟態倚叢蘭僧棲別院愛閑好花在寺東前

天月長老 人賞餘春欲去難招飲絕憐書閣近論文同翦蠟燈
退院居此
看時讀河南顛風門外顛逾甚連日大風咀味茶甘達夜闌

四月六日呂氏宅看藤花同得六字

看花貴得朋嫌擾亦嫌獨偶茲三五俱不忝酒人目發興在景
先終藉景陶淑街南呂氏宅藤本琅竹屋小別遂三年歲箭馳
急轂欵門踏莎徑氣味先馥郁老根蟠厚地作數十迴復絢極
造平淡幹鮮紫苞簇旁枝無屈勢直上爲直木花色稍張玉傾
吐弗含蓄遂令素襟裳榮若在霞谷晚風吹歸車壺榼近書簾
說詩月斜斜語怪燈條條頗聞去年春花事尤可錄主人矜盛
槩延客撼絲竹竭來翁老病花亦類蠶蠶孤孫抱書卷靜向花
底讀人情今慕昔物理盈兆縮吾儕願匪奢少得也爲福惟煩
學士筆繪寫屏六六

簾石宮詹擬作藤花圖

和望山相國德壽寺看牡丹元韻四首

旃檀林種鼠姑饒上客開軒倚翠罍繁縷綺紈疑傍李

用唐李進賢詩

牡丹

熒熒丰態似歌姚酒懷觸祇緣心醉詩思來非藉手招才

氣如公果無敵玉珠稠疊滿吟瓢

花光四照輝無定靜對惟應佛力勝富貴儘教呈好相清涼聊
與說真乘須知燒砌尋芳客曾是敲鐘掃地僧老去未容高興
減洛陽聲價昂猶能

爭傳上相賞花游花亦如人放出頭雅有篇章寓懷抱每從端
重見風流烘增日正松交影弄袖風微麥穗秋隨地覓緣歡喜
現古賢何事輟工愁

廣平鐵石具心腸未礙行吟縱酒狂夏課清嚴陪列邸春游迢
遞及諸方銜盃細雨侵莎徑下筆澄波繞石房也自看花証圖

畫可能殊地不殊香

近與錢籍石宮詹輩法第寺賞牡丹宮詹繪圖徵詩

得雨後遊籍石宮詹榕巢太守叔蘭司直筍河仲思兩太

史看芍藥同用雨字

客來掀眉手拍拍今者快晴昨喜雨天心默契

宸衷慈倒瀉洪波潤乾土

時聞黑龍潭雨立應

豈惟麥秀田父欣得氣

花房艷爭吐吾儕官冷罕知識休假惟應飽歡聚婪尾街頭聽

賣聲急趨古肆搜瓶甌

瓶骨董肆中瓶供花

匪曰連畦接檻多數十高叢

桀可數白花開運品斯貴已見舒苞垂雪乳折枝疎密任天然

不用揚州鐵絲縷

揚人揮芍藥以鐵絲縛之

酒醴芬馨乞自鄰

榕巢丈饋連酒即以侑坐

省闈故實推余主腰間帶重久相忘眼底玉清差足取無花樽

底故不空更直花時非小補點燈促坐勿言歸看月團團照廊

廡

五月九日作

花盡酒人稀
林亭暗綠羅
蝶翻成夢少
燕笑引雛歸
小徧牀堪
倚閑吟樹可
依慚能除外
事獨坐學忘
機

獐酒歌

今夕慚暴殄
獐酒傾長瓶
致此自萬里
藏弄逾十齡
巖巒迴合
溪瀨激陸煩
車輶水艦舫
乃供吾輩暫
酩酊何福享
此甘而馨
花苗銅釵扣
銅鼓椰杯羅
列兼羶腥
踰堂舞枕祀
木客觸腹環
拜揚旂旂
覬神來斯飫
斯酒徐乃飲
福連朝暝歲
時歡喜相餽
遺豈有祇肅
如尊經丈人
昔作南荒守
蠻族欣欣迎
馬首緇巾
裏髮戴盆紕
云是峒溪自
製酒却之則
猜疑受之均
悅服一甕
還如一大錢
馭夷有道非
云黷乃資金
連鑑乃錫帛
純束犬不
驚喧兒不哭
爭勸使君試
醺醺三年治
成雙鬢禿博
得牀頭酒

盈斛載向春明充我腹我腹摩挲慮負茲徒揮惡札吟小詩第
從口吻別風味似異黃藤翠藤製沾唇肥膩沁齒酸將無採鍊
百花調露氣丈人搖手曰非然是乃石湖桂海志所編厥名老
酒麥麴煎搜用綠澗紅沙泉嘗之有法造有日雖曰異品無異
術以彼膠弓淬弩劣心性含醇也解和天質惜哉難繼不敢請
埋頭待學虹吸井澹安居藏良醞知最多倘論品第榕巢所貯
應甲科詰朝淮釀招余賞怕引鄉愁喚奈何時丈人儲淮陰臘
黃酒復訂飲期

送儲梅夫宗丞南歸

歸期訂秋中奚乃及夏盛火雲鬱輪囷涼露未娟靚從知展墓
心猝起未容平趨

朝旦卅年恭謹閱晨暝鬢影卽星星官高亦云稱禱煌五車旁
數點天潢瑩本深茂枝葉教肅壹情性胃含卷軸光斯與躔宿

昨公平膺選避位次大宗正匪文匪言職古篆冰華凝今茲謫
璫籍珠貫玉連巨末屬逮小侯清詩美公姓方從編纂繁遽以
假歸請問公果何心曰老且孱病舊家陽羨間田宅眇何賸來
茲用文售歸去以貧勝國山一宵雨山子鳴若磬穿花拄筇杖
裹飯拂荷甌烏帽坐蜻蛉招招指豔校銜樽溯交契淮浦共燈
檠公已遂初衣余猶驅駑乘蠡塘鶴髮翁方應嶽井聘歲闌舉
敬炙談笑咱主孟看社趁春忙居塾起鄉敬多年烟水夢見獵
祗心競爲言極相思公可代余證何時西汎西維艇索孤咏

題倪閣學迂江藏尊人穉疇給諫所畫七芳圖

曰蓮曰水仙梅竹山蘭間松籬下菊名父繪事乞佳兒敬以七
芳名卷軸卅年妙手競題識我初未覩耳先熟畫之先後各有
序志喜徐徐用箴勗黃門風節爲世重嘉樹無忘香草目當時

本不以畫名卽以畫論高絕俗楊枝翹榦霜露晨改時易地完
其真種雖區別品則一此外卑之無足論水墨氣與詩書親想
見下筆凝淵神美哉繼美揚芳塵月卿邇曰爲清臣

題貞烈王二姑傳後

平陵之隈爰有貞石不辭不苔露洗寒碧解一其石伊何烈女是

褒生魄死骨箭雲爭高解二嬋媛十三許吳氏子旣許之生亦許

之死解三天情弗弔曾不二年幣馬未追厥以函聞解四謂官秘斯

口或漏卮祈徃弗聽乃黥而癡解五餌金餌鉛婢子毋警汝或漏

言汝爲蠶妾解六譙言旁訊卒獲死所成我堅金寶哉尺組解七生

不識夫九原孔覲匪情之縻意氣之激解八收金古瀨死殉路人

越二千載邁其芳英解九叔會稽守搏膺歎歎太史作傳解十謂銘

若生以述二姑解十
前輩

送李蘭臺南歸

主客何因共黷然

時讀潤齋世兄贈別詩兼聞望山師相惜別殷至

輕裘將母去江天

傳來急語歸難緩
釀就新秋別最先
欵曲挑燈成舊事
平安問竹又今年
異時槐目黃于錦
穩着官衙白玉鞭

喜霽

漸收雌蜺卷雄風
仰視圓穹翠若空
分得新涼在高竹
滴殘餘點引疏桐
晚來難免盃持手
醉後聊看月挂弓
書帙暫拋增睡思
陶陶化蝶任西東

送阮紫坪之任德清二首

多年規左發膏肓
青褐徐更墨綬光
地隸吳興稱紫望
山分越絕展陂塘
蕭閒境擬陶彭澤
純粹襟如顧建康
聞道土風工織組
願教大布滿流黃

形役吾生未有涯
寧煩望雒想京華
蟲棲晚景抱霜葉
魚樂春波
玩水花溪上探奇
龜左顧樓頭寄遠
雁西斜阿兄沂泗
應攜手細雨推蓬
話別家

贈庭前榆樹二首

種來應百載根似石
難移空腹人堪隱
羸形鳥不窺
春纔添幾葉月爲寫
餘姿連夕風顛甚
先披最老枝

摧折仍盤踞渾如崛
強人所輕在皮骨
難朽是精神
小樹行爭長繁霜又
點身臞僧示禪病
坐閱去來塵

雨後漫成二首

雞鳴風雨逼深更
燈燄搖搖枕簟清
久罷逢迎懷故友
成何事業愧浮生
裹糧五岳非無計
舐筆三經漸有營
枯菀不煩遙測揣
嘗來世味一漚輕

雪莖雙鬢久相侵竹馬騎時豈料今製服不供當世好讀書難
契古人心雲辭岫有歸山意蟲感秋爲刻骨吟落落此懷誰共
語茗爐殘汁且孤斟

七夕日舉真率會分得時字

立秋前七日遂已屆星期風急作涼早蟬稀占閨遲滌樽謀古
權樹彩綠蕤蕤抱拙不願巧相對煩襟披深慚涓滴飲嚴若戒
律持時余以酒病止客未醕先醉仲思太史後至已先醉矣舉盞仍觴之延陵適傑
直書亂不可治杉亭前輩署典籍方理故書將直宿六十日迢迢一城限漏箭鳴花
枝復諗戒驂者將指汴水涓缺一慮不可加少夫何爲時仲思將往大梁
悠悠我之懷百結爲夢絲庶幾咏唐風行樂毋愆期

題紀曉嵐侍讀雙樹軒

耽耽雙樹軒昔賢所營治歲久剩隻影守故名弗移楮穀詎有

別聊當辨雄雌判凡孰存云得一二可知嘉樹亦擇人將子來
庭篠楹潤稱書富境閒搜句奇軟紅日袞袞兀坐心弗馳浮生
擬刻楮似子真餐芝昨者過門傍大木爲風隙停車急問訊軒
樹是耶非答云幸無恙顏解心融怡從知神物護當亦如子詩
秋風漸有信點滴聞標枝疏蟬庇餘響涼蟲絡其絲何可不圖
飲賞此招毋遲

次韻和吳興徐孝廉秋海棠二首

卑叢繞砌學啼妝滯雨戎戎幸未傷夢去韶春濃似酒照來初
月澹於霜幽居好慰清明眼淺態能迴木石腸品第未須誇綠
裏掃眉都向合歡堂

絕艷前因改靜娟碎苔拳石共憐然知書婉約宜呼婢舉袂輕
盈傲欲仙已閱三秋能獨守豈緣多麗荷深憐冰華未結霜華

皎緩緩當窗試晚妍

閏七夕游法源寺作

節好不關僧興新偶尋寺蕭蕭葉攪衣客子軫寒意鐘魚叩晚
時疎響薄雲氣豈煩瓜果設與證虛無義人間溯天上佳話喜
複次佛固泯悲忻仙寧好離異景澄露初白白豆花妍媚積雨
三日晴胸懷與俱霽瓦盆菊蕊繁潛蓄採訪計後此益清涼知
弗阻遊騎獨往仍獨歸杉陰月痕細

聲聲慢

閏七夕和蕊巢太守韻

瓜筵縷縷榆館沈沈乞來巧倍他宵別未經時關情夢可
迢迢辛苦奔龍重馭料靈禽頂禿應饒愁暫寫把鮫紗紅
聚添灑銀橋鐙廿載星期兩閏早秋霜點鬢綺句慵敲戊辰
閏七夕今屋角餘花依然翠滴涼梢晚晴幾多烟景念誰
十九年矣

家團扇先拋泛翠醕儘更闌河轉飲興難銷

閏七月廿七日邀同壺樽官詹級蘭司直秋帆庶子竹君

仲思白華編修塞山同年社餽小集得程字

吾儕夙好事謀飲必有名社集尊古風儉樂非奢營閒亭掃風
葉秋日如水清昨雨朝戒寒蟹螯知可擎銜觴罷讀騷狂論抒
野情瑣細羅雜花意到景自呈所愧藜藿盤淡泊殊候鯖鮓餌
設數品春糯調飴餉不異市闌味頗效田父愴歲華又遷移芳
閨無留行梁燕勤往還辛苦笑所成睠茲慕游賞排日毋紆程

新霽出郭

經時霖潦阻適霽愛郊行馬蹏尋乾地蟬衰咽緩聲雲依孤寺
歛水入斷墟明野老閑相語疏懷罕世情

八月七日同級蘭司直筇河太史秋帆庶子塞山同年予

嘉文量兩秀才游西便門外馬氏園亭分得野字

秋中無桂探鬱懷何用寫頗聞城西郭幽靚利持竿五里訪閑
園十日過秋社結茅殊草草妙以水環厦旅實列縱橫花枝罕
姚冶俊氣兩儒生刺船如刺馬沿流入深處圓瀨夾泉瀉風聲
蕩葦間烟色明柳下悄然江湖心鄉景暗繁蕙多時京國塵此
亦賴前灑驅車篠徑穿乞茗松門打歸途渴甚道旁園通菴淪茗小坐道人鬚
髮蒼枯坐肖蟬啞將無墮色相未可嘉遁捨如何樂遊人三兩
憂羣雅孤笑夕陽橫疏禽散遙野

挽商寶意太守四首

爭忍忘情罷寫哀手書昨尚自滇來千詩爲校麻沙本九地驚
埋跌宕才擘荔甫誇侵齒美滇省獨元江產荔支君有詩咏之刈蘭堪喻切身
災鏡湖丹旆歸何日歷盡頑山惡水隈

鶴鷺軍陳走魚書郡將趨轅縛袴襦太守謂之郡將見班史懶性豈堪馳

馬上炎威未可避山隅元江夏熱尤甚官吏無事居四月即入山避暑犒師幾訝氛侵

壘惜別原憂雪點顧終竟名禪有深契蓮花瘴裏去仙都滇南諸瘴

一帶有蘭花蓮花桂花益感蓮應時而至君卒以六月花潭也

暇時泊我恒相許可與論詩剩幾人隻字推敲紅燭暗經旬談

讌翠醪春偶逢徵債仍調曲不諱持籌自脫塵多少風光三楚

地從茲一一証萍因

徧向蠻荒擁旆旌君歷任湖北之施南廣西之太平鎮安慶遠皆苗疆也那知完劫有昆

明經營陸氏莊何在編次香山集幸成乞郡為嫌無米貸君自翰林

編修特乞外任歸寬應祝有苗平長歌難寄泉臺曉愁對君家似舅甥

南農部

中秋日寄舍弟述先

薄宦來京師月夕遡過五朔余始生年四十九秋數余生于戊戌十月今
年五十初度是歷 枯苑非一情雙鬢雪絲組遙遙感離別促促
同十九中秋也 困羈旅安心禦衆留身期晚聚曉霜趁

朝班歸騎日未午飯罷睡憎騰風吼類虓虎昨來氣清明何忽
微拗怒卽境難預量有若晴變雨家書取裁答苦語動颺縷兄
弟益加貧回首胷撞杵相慰冀加餐相勉在循矩阿弟有行卷
體製雜今古讀之清以悽音調近徵羽感我腸鬱紆兀坐神色
沮要其微至處秀萼生澄浦自然觸妙香欲攬無處所匪余阿
所私公道不避舉晚來圓鏡懸亭樹息掀舞銀光照四海豈獨
爲林圃驅愁進一觴于我有深補賞詩遂答詩封札聊寄與

長亭怨慢送吳杉亭前輩南歸

看燕樹盡含霜氣斜日離筵送將歸去暢好江南此間無

計挽君住二年紅藥闌低護銜樽共賦似舊銀缸怎今夕
難如前度 堪妬邢江應小憇松影蜀岡閑步鉤簾待雪
想吟到梅花深處歎孤身已是沾泥轉羨煞舞風輕絮攢
殘醉疏更牽起鄉愁無數

送辛楣學士南歸

學士吾南鄰夾巷槐陰共談洽夙所師匪特前輩重溝塍阻車
騎徒步恒過從溫溫古風味叩輒剖疑壅北衢得筭河計貫相
伯仲燒燈說今古口辯驥脫鞵繫余厠兩大局縮若寒凍雨風
銷歲月虛已受磨礱云何作歸計潞水霜帆送

帝方譽伯施人競詒獨頌君之在翰林夏屋表隆棟去亦終復
來此別憐倥傯藥爐養春疾弦語傷秋夢撫已念庭闈焉能戀
常俸長編蒙古史同異經折衷當年纂述儒屈指王宋倉卒

罕稽覈脫漏失彌縫著書貴得間披實非鑿空江南多秘籍搜
輯充撰綜此行有攸繫此學如均種十年冀書成廣博開榛蕪
流傳資眼福飲飫快甘湏又聞擬浙游龍井看茶貢瓜皮船涉
湖石像碑尋洞乃知暫收身端爲閒適用馳思冰雪間何地著
塵閑顧茲勸觴情惻愴心旆動三人影缺一高興賦吟諷采藥
探花行倦聽沙禽呀迢迢白鶴江江淺宜汲甕霞丹雜鴉柏烟
白沈魚纓到日衣班班權言陳旨供爾音毋契濶余懷深惻惻
冥冥望雲間滅遲嘆玄鳳

哭張少華

眼中淪落見膺榮五載流光薜墮英小售豈能酬遠志放言每
怪迂恒情無端淺病投諸藥徹底奇貧過半生苦器脫來榜散
甚九原休擬不平鳴

驚才絕代舊知名海雨江風助性靈點拍柔烟拂蘭榭校書寒
日下薇廳災生白酒嘗牛肉夢斷青蘆接雁翎深羨孤身存一
綫扶棺有女十三齡

九月廿六日過姚念慈寓廬

狹巷駛單車言尋隱客廬得朋方命酒時與揚對官久對飲縱論間繙書
弱子看遊戲閒增倦掃除感秋示新句菊影淡相於

題入蜀圖送榕巢太守之任寧遠

筆意貌山山峭拔丹翠離披濕雲潑裊烟一綫棲千盤上有懸
崖通箭筈蜀道非難亦非易壯志寧教畏塗奪白團扇子繪騎
驢如何五馬中林秣使君久建鎮邊勲于粵之西歌召芟苗民
番番拜碑碣家有儲糧人衣褐經時觸瘴病弗摧吟對泉飛山
態活故人爭訝鬢髮疏

天子親憐齒牙脫印都所統亦蠻荒赤脰諸猺待鈴括劈來成
竹無礙節玩到金牛有專割金沙江水自滇來形勢犬牙湊增
闔邇者緬夷誕方命大師克若焚枯枿到時羽捷定先馳憎以
餘威釋鱣撻由來理郡異宰邑敦本矣庸逐顛末女施髻髮士
笠撮父老所矜孺所怛雍雍儒事亦可治未要鞞刀絳巾抹彼
間詩人例卜築橘柚團團茂松栝成都先問子雲居石室琴臺
以次達紫姑山前禾穰稠琵琶川間魚潑刺譬諸采蘭握椒茝
異觀奇聞歸拾掇刊鐫詩句剔苔斑陶淪靈源非祭獮顧惟兩
年數過從花底連觴叩銅鉢細雪敲簾語微漏虛堂讀畫燭銷
跋送行肯效兒女悲終竟離懷鬱難豁誰能跳身入圖畫獨往
懷伊駛軫輶相思自此喻饑渴絃振繁音難遽撥矧我年來厭
塵眊嘗盡蘼酸桂薑辣行且溪山捫蘿葛君亦一貧難自遏仕

非夏涼取蕉越江湖何時共洵沫懷哉短艇秋波濶

五十初度自遣四首

五十異雋老亦復非壯年功名鮎上竿歲月箭釋弦攬鏡面皺
皺鬢鬚半蒼然中夜宵擊撞匪爲境遘邇內省實多疚樹立苦
弗堅古之賢達人豈盡壽命延精神貫千載功業垂簡編詩人
罕頭腦自托無乃偏近雖注麟經事雜功弗專自外慕紛華內
徒矢清寒桑榆庶可收積過希能悛日復愼一日持爾動與言
孟冬下弦後九日陽始萌自十月二十四日至十一月九日屆長至昔余伯祖父
二伯祖笏山公爰以是日生綺歲成進士年止四十齡有詩編江村水
部傳官聲余年已過之頭白徒營營前輩王受銘宦立骨崢嶸
寶意商太守氣腴貌充盈一時兩詩人諺許爲知朋年長實同
物屆日偕持觥五年頻歎逝墨妙儲精靈復有褚王黃褚崔伯年伯少

余一日王肅阜前輩少余二日黃留次第居薇廳三日四中書
溪前輩與余年月日皆同生時稍後年齒咸齊衡天公亦何意振翮俾小鳴吾師少司空謂武進周山夫子
初度亦在丁長我四十日休命揚

王庭庫厚各有值奚羨軒綬榮江鄉幾宿老賈史淹羣經各各
死牖下無一簪朝纓揣分良已過愧祖業未成唯思理歸梓聽
雨催犁耕

吾少多疾疢撫視勞慕衷年已十八九珍情如嬰童食則慮飽
饑衣爲籌單重前屋達後屋院落咫尺通紅氈裏身面教避寒
天風弟妹爭開笑三日新婦同吾母遵勞疾吾父昏雙瞳膝下
卽環繞孝養慚未充白沙一杯土淚漬朱草叢年長益多悲五
十俄已逢視吾父母年修短適得中後此未可知疇敢貪天功
賒昔鞠育恩匪特偏愛鍾謂是善讀書行且昌吾宗寧知不材

身臃腫而愚蠢散盡千黃金輪却十畝官無兒歲聿暮有句吟
非工教誨祇殷勤生我將安庸自恨自孽摘哽咽填膺胷
鷓鴣抱野性所樂在藿蒿置之松檜間最冀中坦初浮生卅年
餘居近淮東郊無山足烟水日日杭輕舸兄弟二三人一室同
爨庖星散從近歲僅眼水一條相思輒來往伸被連疏寮淮人
最誠朴文字爲古交族姪競恬熙酒煖花光高誰令遽別去饑
臃類逋逃春明五載居塵埃盈衣袍年長喻馬齒身賤如牛毛
尚煩故鄉人致祝來嘉褒往報承頌言薄祿慚久饕轉眼四五
年拙版偕遊邀稻種爲我播繭絲爲我繰飲社釀臘甕扶我煩
兒曹人生適所願維襪足自蒙鄉情抱耿耿夜永寒蟲號

蓬心前輩畫秋亭放崔圖祝余生日走筆報謝

子之知我洵真知祝我俾我卽閑散一把蔓茅蓋白屋晝裏行

窩宜習嬾露繁風高候直秋遙天翠色新磨澣倏翔倏集兩朶
禽步者徐徐飛緩緩放向青雲最上頭歸來似戀幽人坦此松
是我舊圍量此竹曾經細題款雖無故業在江鄉境佳例屬吾
曹管百年閑數剛過半難遣砭砭削圭瓚飽嘗茶蓼鮮甘馨十
度凝寒一曝暎鬚多枉肖麥連陂鬢禿真如禾脫稈冷官所泣
異有職隱計徐商終左袒古人樂志匪鳴高大抵用長工匿短
子之於畫夙通神當代名流見亦罕酒盞圓隨綺席偏茶爐紅
趁花枝煖一貧視我誠有加疊咏酌君已無算邇來遇事觸迂
多適對茲圖意先滿是倪是黃姑勿辨邱壑烟霞妙聯斷裝成
小幅倚虛窗勝列疏屏障華館微身何日置亭中看舞苔陰喚
栗伴解條釋籠豈關人行矣吾方任迂誕流年長子僅二歲似
桷連棖畦接隴葦鱸入夢賦歸田子且將然吾豈但歲華收拾

料無多瀨靜從知勝湍悍過橋拄杖幸相尋墨花香共臨池盥